



Sud Bosne i Hercegovine
Суд Босне и Херцеговине

Broj: S1 3 Iž 043702 22 Iž
Sarajevo, 18.08.2022. godine

Sud Bosne i Hercegovine, u vijeću Apelacionog odjeljenja sastavljenom od sudija Zvezdane Antonović, kao predsjednika vijeća, Dinke Bešlagić-Čovrk i Vesne Trifunović, kao članova vijeća, odlučujući o žalbi Vidić Ljubice, Nj., ..., izjavljenoj protiv Odluke Centralne izborne komisije Bosne i Hercegovine broj: 06-1-07-1-608-3/22 od 04.08.2022. godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine, u nejavnoj sjednici, održanoj dana 18.08.2022. godine, donio je

R J E Š E N J E

Žalba se odbija.

O b r a z l o ž e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine po podnesenim prijavama do 19.07.2022. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žaliteljicu odbijen je upis iz razloga što je uz prijavu dostavila staru ličnu kartu Bosne i Hercegovine izdatu 24.03.2003. godine.

Žaliteljica je protiv navedene odluke blagovremeno izjavila žalbu navodeći da dostavlja sve potrebne dokumente.

Centralna izborna komisija Bosne i Hercegovine u odgovoru na žalbu navodi da uz prijavu nisu dostavljeni svi potrebni dokumenti koji se odnose na validan dokaz o tačnoj adresi u inostranstvu, zbog čega predlaže da se žalba odbije kao neosnovana.

Ispitujući pobijanu odluku u okviru žalbenih navoda, vijeće Apelacionog odjeljenja Suda Bosne i Hercegovine je zaključilo da žalba nije osnovana.

Prema stanju u spisu ovo vijeće konstatuje da je Centralna izborna komisija BiH, prije donošenja ožalbene odluke, a prilikom razmatranja prijave za glasanje izvan BiH dostavljene dana 25.06.2022. godine, elektronskim putem u skladu sa Uputstvom o postupku slanja, prijema, obrade, arhiviranja i zaštite elektronskih prijava državljana Bosne i Hercegovine za

glasanje izvan BiH elektronskim putem („Službeni glasnik BiH“ broj:27/22) pravilno uočila da podnositeljica žalbe dostavila staru ličnu kartu Bosne i Hercegovine izdatu 24.03.2003. godine.

Postupajući na način opisan u prednje utvrđenom činjeničnom stanju, podnositeljica žalbe je postupila suprotno odredbi člana 3.15 stav (3) Izbornog zakona BiH („Službeni glasnik BiH“, broj 23/01 do 51/22), kojom je propisano da izbjeglo lice iz BiH koje se ne nalazi u Centralnom biračkom spisku, da bi bilo upisano u Centralni birački spisak, i time ostvarilo biračko pravo u skladu sa Zakonom, dužno je podnijeti prijavu Centralnoj izbornoj komisiji BiH. Uz popunjenu i potpisanu prijavu podnosilac prilaže i dokaz o identitetu, dokaz o državljanstvu BiH, dokaz o promjeni prebivališta u Bosni i Hercegovini u skladu sa članom 20.8 Izbornog zakona BiH i podatke o tačnoj adresi boravišta u inostranstvu.

U konkretnom slučaju žaliteljica uz prijavu nije dostavila sve potrebne i propisane podatke, obzirom da nije dostavila dokaz identitetu, validan dokaz o državljanstvu (kopija pasoša ili uvjerenje o državljanstvu izdato od nadležnog organa ne starije od šest mjeseci i dokaz o prebivalištu, kopija lične karte izdate prije 1991 godine ili da se nalazi na Popisu stanovništva BiH iz 1991. godine, odnosno dokaz koji bi potvrdio da su ispunjeni uslovi da se u smislu člana 3.15 stav 6. Izbornog zakona BiH nađe na izvodu iz Centralnog biračkog spiska za glasanje van BiH.

Takođe, nakon obrade prijave žaliteljica je putem e-maila dana 03.08.2022. godine obaviještena da njena prijava za glasanje izvan BiH sadrži nedostatke. Nevedene nedostatke žaliteljica nije otklonila u ostavljenom roku od dva dana, a tek nakon prijema navedene obavijesti 04.08.2022. godine uz žalbu dostavlja pasoš BiH koji je istekao 24.03.2008. godine, izvod iz matične knjige rođenih SFRJ od 21.07.1988. godine i potvrdu o prebivalištu.

Napomene radi, žaliteljici nije oduzeto biračko pravo za Opće izbore 2022. godine, nego samo mogućnost glasanja putem pošte izvan BiH, jer ista može glasati na redovnom biračkom mjestu u općini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita, a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

Predsjednik Vijeća
Sudija
Zvezdana Antonović